

Heimastjórn Djúpavogs - 32 (8.12.2022) - Kröfur ríkisins um þjóðlendur á Austfjörðum

Málsnúmer : 202201165
Málsaðili : Óbyggðanefnd
Niðurstaða (stutt) :
Fundardagur : 08.12.2022

Inngangur : Fyrir liggur bréf frá óbyggðanefnd, dagsett 14. nóvember 2022, ásamt gögnum málsins, þ.e. kynningarhefti með öllum kröfulýsingum og erindum sem óbyggðanefnd hafa borist ásamt kröfulínukortum. Óbyggðanefnd hefur haft þjóðlendumál til meðferðar á svæði 11, Austfjörðum, síðastliðna mánuði. Vakin er athygli á því að kynning á heildarkröfum skv. 12. gr. þjóðlendulaga hefur staðið yfir frá 15. nóvember til 15. desember 2022 og að frestur til athugasemda sé til 22. desember 2022.

Niðurstaða : Heimastjórn Djúpavogs gagnrýnir þá framkvæmd sem kemur fram í kröfulýsingum íslenska ríkisins vegna þjóðlendumála á Austfjörðum. Flest svæði sem ríkið gerir kröfu til eru hluti lands jarða samkvæmt landamerkjabréfum jarðanna sem gerð voru í lok 19. aldar og engin óvissa hefur verið um eignarréttarlega stöðu þess lands. Kröfur ná víða til lands á láglendi og jafnvel upp að túngarði sumra jarða. Af fyrri niðurstöðum Óbyggðanefndar á öðrum hluta Austurlands má draga þá ályktun að eignarréttarleg staða lands innan landamerkjabréfa jarða á Austurlandi sé jafnan skýr. Í ljósi kröfulýsinga landeigenda og raka sem þar koma fram er skorað á íslenska ríkið að taka kröfugerð sína til endurskoðunar, svo mál verði ekki rekin fyrir Óbyggðanefnd að nauðsynjalausu með tilheyrandi óþægindum fyrir landeigendur og kostnaði fyrir ríkissjóðs.

Samþykkt samhljóða.